



A lokisetse Morena Sechaba se phethehileng (Luka 1,17)

Tel: 28 350 466/ 62600983 (WhatsApp)

MOELETSI OA BASOTHO

PARARE DOMINO PLEBEM PERFECTAM



**Nyollo ea
litefiso**


7

**Mosi o ntse o
le motšo**

9



LIBETI LI PHIRIMELLETSOE



Access Our Books on Akello Library!

Explore a wide range of our books anytime, anywhere.
Visit Akello Library today and start reading!

#ReadAnywhere #AkelloLibrary #ExploreMore



<https://library.akello.co/downloads>

Follow the link

MOELETSI

Motho o ichebile

Sechaba sa Moshoešhoe se fetohile lintja tsa set-somi tse janang maro, ka lebaka la maemo a hloabaetsang a moruo lefatšeng ka bophara. Joale sea ngoapana hobane e mong le e mong o loanela hlooho ea hae. Baqhobi ba likoloi tsa baeti ba kopa lekala ho nyolla litefiso hobane ruri seo ba se fumanang ha se ba thuse ka letho. Ho tšoana feela leha ba hamela letanteng, kaha likarolo tsa likoloi li le turu, likhafa le tsona ka tsela e tšoanang. Ka nq'e'na ba lokela ho fepa malapa a bona, ba sa siece kathoko baqhobi ba hiriloeng. Ba bontša hore ebang lekala le sa amohele kopo ena ea bona, ehlile li t'l'o hloa lekhoara; khoebo e t'l'o putlama hoo le ba hiriloeng ba ka qetellang ba feletsoe ke mosebetsi. 'Me taba eo ha e ba khahle haholo ha mesebetsi e le qholotso e kholo hakaana ha joale. Sello se seng sa bona ke hore batho ba bangata ha bophelo bo ba qaka ba rera ho kena khoebong ea likoloi tsa baeti, empa ba bang ba bona ba etsa joalo kathoko ho molao. Ketso ena e ama khoebo haholo hobane bao ba nka baeti ka le reng ba ba potlakisa.

Ka lehlakoreng le leng, batho ba sebelisang likoloi tsena tsa baeti ho phetha mabaka haholo ba li palamang letsatsi le leng le leng, le bona ba re ba tobane le qholotso e kholo ea ho lefa. Ba sebetsang lifemeng ba re ka nako e 'ngoe ba theohela ka libeke tse itseng hobane ho se mosebetsi, seo se pakahatsa hore chelete ea bona ea moputso e'a fokola. Ba bang ba baitšokuli ba re ka nako e 'ngoe ba tla mosebetsing ka maoto hobane chelete e lefang koloi e le sieo. Ka hona ba re e se eka litefiso li ka se nyolloe hobane ha ho ka etsahala li nyolloe, taba eo e tla ama litheko tse ling joaloka lijo. Hape le bona ba t'l'o lokela ho nyolla litheko tsa lihlahisoa tsa bona e le hore ba ikamahanye le liphetoho tse teng.

Litaba tsena kaofela ha tsona li na le moelelo; beng ba likoloi tsa baeti ba sebeletsa malapa a bona hore a phele ka hona ba tlamehile ho sheba ho etsa phahello. Ebe hape bapalami le bona bao bongata ba sa sebetseng le ba sebetsang ba fumana meputso e phoqang, ba buang taba e utloahalang ea hore litheko li se nyolohe. Ntlha ena e emisa hlooho ruri hore na hoja motho o se a fuoa mosebetsi oa ho e sheba o ne a tla nka lehlakore lefe; la beng ba likoloi kapa bapalami? 'Muso ka lekala le ikarabellang le fumane mosebetsi o thata haholo oa ho etsa bonnete ba hore mahlakore ka bobeli a khotsofala.

Maparamente a halefisitsoe ke lithekefetso tse bonahalang li ntse li phahama letsatsi le letsatsi tse etsoang ho baithuti ke litichere. Ka hona ba re ho lokeloa ho etsoe melao e mecha khahlanong le litlohi tsena tsa molao, tse tšepetsoeng ho hlokomela le ho sireletsa bana. Tichere e tla fumanoa e le molato e nkeloe lengolo la botichere 'me e se hlole e ruta ho hang, le likahlolo tse ling tseo ba reng li lokela ho ba boima haholo. Taba ena e latela ketso e mpe e entsoeng ke mosuo-hlooho oa Sekolo sa Peka, Leribe ea hlekefelitseng moithuti ka motabo a ba a mo shapa.

Mahlo a balumeli 'moho le a sechaba a shebile ka tšepo marulelong a Kerekana ea Sistine Vatican, moo ho tsoang mosi o motšo kapa o mosoeu ho latela khetho e entsoeng, nakong ena eo Likhosana tsa Kereke li leng tšebetsong ea ho khetha mohlhlami oa Mopapa Francis. Likhetho li qalile ka la 7 Motšeanong 'me bosiung ba letsatsi leo ka hora ea borobong ho ile ha bonahala mosi o motšo o boelang hore Likhosana ha li'a ba le tumellano holima moetapele e mocha. Moea o Halalelang o ke o khantšetse likelello tsa bona ho khetha ka nepo Moetapele oa Kereke, eo e tla ba Molisa oa 'nete oa mohlape oa Kriste.

MOLIMO A BOLOKE LESOTHO LE BASOTHO

Mebuso e itela ho bahoebi

Nthabeleng Seitlheko

Ele ho matlafat-sa maqhama a ts'ebeliso 'moho lipakeng tsa linaha tsa Afrika, haholo tse arolelanang meeli le noka ea Senqu, e leng Lesotho, Namibia, Botswana le Afrika Boroa, ho bile le 'moka moo li khotaletsang matsete a tsitsitseng a sebetsanang le phetoho ea boemo ba leholimo, metsi le tikoloho. Litaba tsena li hlaleletse 'mokeng o tšeroeng ke Mokhatlo oa ORASECOM ka kopanelo le 'Muso oa Lesotho ka la 7 Motšeanong monongoaha.

Letona la Lihloloeng, Mohlomphehi Mohlomi Moleko o supile hore boemo ba phetoho ea leholimo ke qholotso e tobileng lefatše lohle, ka hoo ba lokela ho tla ka mekhoe ea ho boloka mehloli ea metsi hore e lule e ntlafetse. A re ha ho ka tseteloa litabeng tsa phetoho ea boemo ba leholimo mebuso ea tšoarana ka matsoho, ho tla thusa hore

ea moruo le sechaba se phelang tikolohong tse mabapi.

ORASECOM ke mokhatlo o kopanyang linaha tse 'ne; Lesotho, Botswana, Namibia le Afrika Boroa o sebet-sang ho laola le boemo ba metsi a noka ea Senqu, 'me e meng ea merero ke ho phahamisa boiketlo ba tikoloho le ba batho ba lulang sebakeng seo.

Letona la Afrika Boroa la Metsi le Bohloeki, Sello Seitlholo o re 'moka ona o bapala karolo e kholo litabeng tsa ntlafalo le boiketsetso mabapi le phetoho ea boemo ba leholimo, ka hona bona e le Afrika Boroa ba una molemo o moholo metsing a hlahang sebakeng seo, le hoja mekhoe e ntlafetseng ea morao-rao le poloheho ea tikoloho li le theko e holimo, ba lokela ho fumana botseteli ka litsela tsohle.

O re morero oa bona o moholo ke ho hohela batseteli litabeng tsa metsi, 'me seo ke ntlha ea bona e ka sehloohong hobane

Lesotho le Afrika Boroa, Dr. Sanji Monageng o hlalositse hore kopano ena ea linaha tlasa sekhele sa Senqu-Orange River o thusitse Naha ea Botswana haholo ka hona o mona ho bontša tšehetso ho matlafatsa likamano tsena kaha li hloka ho ntlafala hobane ka selemo sa 2030, Naha ea Botswana e tla ba le khaello ea metsi. A kopa bahoebi ba ike-metseng ho ela hloko likopo tsa bona hore naha ka 'ngoe e fumane lithuso hore qetellong morero o atlehele linaha, moruo le sechaba.

Mookameli oa Standard Lesotho Bank, Samuel Seboka o bontšitse bohlokoa ba hore bahoebi ba ike-metseng le likhoebo li tse-tele litabeng tsa poloheho ea metsi le tikoloho, hobane kathoko ho metsi ha ho litšebeliso tse ka phethahalang ha bonolo joaloka tlhahiso litabeng tsa moruo, litsi tsa bophelo le boqapi.

O re leha Naha ea Lesotho e khahleha hakaalo e tsebahala ka ho ba le metsi empa libaka tsohle tsa me-



ba hlole mathata ohle a tobaneng le boemo ba pokello ea metsi le poloheho ea tikoloho.

A supa ha morero ona o t'l'o thusa toantšong ea litlamorao tse bakoang ke phetoho ea leholimo joalo ka komello le kameho ea boieana ba tlholeho. O itse morero ona ke oa nako e telele o t'l'o thusa ntlafalong

ba batla ho etsa metsi puo e ka sehloohong ho matlafatsa lintlafatso, sechaba, lipuisano le ho tšoarana ka matsoho le mafapha ohle. A re ho bohlokoa hore ha ba sebetsana le litaba tsa mofuta ona, ba behelle lipolotiki kathoko hore morero e be o ntlafetseng molemong oa sechaba.

Moemeli oa Botswana,

hloli ea metsi li lokela ho baballoa. A re e boetse e tobane le phepetso e kholo ea komello, phetoho ea boemo ba leholimo, tlhokahalo ea metsi a isoang sechabeng. Ka hona a re 'muso o ke ke oa hlola liqholotso tsena ha o le mong empa ha ba tšoarane ka matsoho liqholotso tsena e tla ba pale ea maobane.

Contacts: +266 28350 466

62600983 WhatsApp

Email: newsroom@moeletsiobasotho.co.ls

Sales and Marketing: (+266) 28 350 466/ 57396597 (WhatsApp)

MOELETSI oa BASOTHO
A LOKISETSE MORENA SECHABA SE PHETHEHLENG (LUKE 1:17)

Editorial

Lesetsa Rakubutu

(+266) 6203 1949 / 58490670

EMAIL: editor@moeletsiobasotho.co.ls

Mohale Lehlohonolo (Sub-editor)

(+266) 58 771 507 / 62 771 507

Journalists

Nthabeleng Seitlheko

57 665 038/ 68 216 271

Tšeliso Thakholi

58 540 853/ 63 480 404

Production Desk: 'Mateele Liqa

Ba rera melao e boima



Nthabeleng Seithleko

Letona la Tekano, Bacha le Ntšetsopele ea Sechaba, Mohlomphehi Pitso Lesaoana o re ba se ba tšoare ka matla ho bona hore

O re sena se etsoa e le ho kenya letsoho kholisong ea bana le ho bona sechaba se phelisanang ka khotso. O re tafoleng ea habo bana le litlaleho tse ngata tsa bana ba hlekefelitsoeng ke batsoali le litichere tsa bona tse lebeletsoeng ho ba sire-

ho etsa molao o amohang tichere mangolo ha e fumanoa e entse tlolo ea molao oa tthekefetso, e se hlole e ruta bana ba sechaba, hape melao e be le likahlolo tse boima ho fana ka khalemo.

O re hoa soabisa ho bona litlaleho tsa lipeto li ntse

borata ba tseba hore molao ke ntja ea borakana e boholang feela.

Tefo Mapesela o supile hore litlaleho tsa tthekefetso li atile hoo li etsoang le ke batho ba bolotsang, joale le basali ba bahlolohali ha ba

belisoe ho sireletsa sechaba.

H'a tsoelapele o kopile 'muso ho beha sechaba le-seling mapapi le ketsahalo e etsahalletseng moithuti oa Sekolo sa Peka ea hlekefelitsoeng ka motabo le ho shapuo ka phafa ke mosuo-hlooho.

Letona la Thuto le Koetliso



sireletseha 'moho le bana ba bona. Ka hona o re taba ena e lokela ho sebetsoa ka matla molemong oa khotso ea malapa, bonngoe ba sechaba le kopano ea sona metseng. O itse tharollo ke likotlo tse boima ho beng ba liketso tsena.

Litaba tsena li latela hore setho sa Ntlo ea Bakhethoa, Maleleka Malakane a hlalise taba ea hore ho bonahala litlaleho tse ngata tsa baithuti ba hlekefetsoang, ka hoo ba ikarabellang litabeng tsena ba bolelle paramente hore na ba se ba

Prof. Ntoi Rapapa o hlalositse hore boto a tsamaisang sekolo seo e se e behelletse mosuo-hlooho ea joalo ka thoko hape e ngolletse lekala hore na ho etsahetse joang ka motho ea joalo. A re ngoana le motsoali ba tla isoa tlhabolong ebe ngoana o isoa sekolong se seng.

Motsamaisi oa Lipuisano Paramenteng, Mohomphehi Tlohang Sekhamane, o re ho bohlokoa hore sechaba se fumane hore na paramente e reng ka litaba tsena, makala a amehang a fumane maoala a ho loan-



ba buisana le Lekala la Thuto le koetliso, ho bona hore ho hiroa bahlabolli likolong, kamor'a ho hlokomela qholotso tse tobaneng le bana le litichere likolong. O boletse tsena, tulong ea Ntlo ea Bakhethoa, ka la 6 Motšeanong monongoaha.

letsa. A re ba se ba tšoare ka thata ho bona hore tšireletso le polokeho ea bana likolong eba ka sehloohong hobane bao ke bokamoso ba naha ena.

Mokhethoa oa Motimposo, 'Makatlheho Matšoele o bontšitse hore ba lokela

li nyoloha, haholo tsa tthekefetso tse etsoang ke



litichere ho baithuti empa ba tšepetsoe ho boloka, ho sireletsa le ho baballa bana ba sechaba. A tiisa hore molao o lokela ho ba matla ho seng joalo batho ba etsang liketso tsena ba tla iketsetsa

le hakae ka tsona. A re taba ena e bohloko hobane o bua tjena boemong boo ba fetisitseng molao oa tšireletso ea bana. O re bohle ba lokela ho nka boikarabello le hore melao e joalo e se-

tša koeeko ena e metsang basali le bana. A re paramente e tla fetisa melao le maano ao e tla re ha motho a lokela ho hlekefetsa basali le bana a keneloe ke letsoalo.

MOELETSI O TŠEHETSA BACHA

Tšeliso Thakholi

Liphuputso li'a bontša hore mero-ho ka mefuta ea eona e ntse e kena ka sekhahla se seholo ka-har'a naha, ho tsoa Naheng ea Afrika Boroa 'me sena ke sesupo sa hore tlhokahalo e kholo. E le e meng ea mek-hoa ea ho loantša qholotso ena, e mong oa bahlahisi ba moroho oa k'habeche le poone e tšehla selemo ho pota Tšepo Leleka oa Ha Ntsi tikolohong ea Nazareth o lokolisa tsa tšebetso ea hae tjena:

Qaleho ea tšebetso

Ha ke qeta Foromo ea Bohlano ke ile ka hlokomela hore mesebetsi ha e eo, ke ha ke tla qala ho sebetsa-na le temo ka mefuta eohle ea eona. Ke hlahisa sethopo sa k'habeche, sepinichi, 'beetroot' le ho lema poone e tšehla bakeng sa ho etsa lijo tsa ho likhoho. Ke qalile mosebetsi ona ke sa le monyenyanane haholo ke etsa Sehlopha sa Bosupa, ke o rutoa ke batsoali ba ka kaha ke hotse ba se ba ntse ba e-na le khoebo ea ho rekisa meroho le litapole.

Ba mpha malebela ka tšebetso le litsebo tsohle tse hlokahalang bakeng sa ho holisa le ho matlafatsa tlhahiso ea ka ea temo. Ke ha ke tla rata temo ka pelo



eohle ea ka. Ka boela ka fumana tšebetso e kholo ho tsoa morerong oa 'muso o thusang likhoebo tsa bacha oa Sebatatso. Hantle-ntle kholong ea ka joalokaha ke se ke boletse ke holetse ka-har'a lelapa la lihoai, e leng hore taba ena ea temo ke e nyantse letsoeleng kaha ke hlaha mahlo ke bona batsoali ba se ba ntse ba phela ka eona.

Ka linako tse ling leha ke bapala le bana ba bang re le naheng kapa sekolong, ke ne ke tloatse ho pana likhomo tsa letsopa ke ea masimong ke il'o lema. Mosebetsi ona oa temo kea o rata

o maling ho 'na. Ke bile le lehlohonolo la ho sebetsa ho le leng la mabenkele a maholo kahare ho naha nako ea lilemo tse tharo, empa eitse ha ke atleha ho reka lisebelisoa tsa temo le ho fumana mokhoa oa ho qala temo-khoebo ho latela maemo a kajeno a bophelo ke ile ka o tlohela, ka shebana le khoebo ena ea ka.

Tšusumetso ea ho qala temo-khoebo

E 'ngoe ea lintho tse ntšusumelitseng ho kena temo-khoebong ke lerato leo ke ileng ka bona batsoali ba ka ba rata temo ka lona. Ke bona ba ileng ba nkenya

moea oa ho rata mosebetsi oa temo.

Likatlheho

Ka lebaka la mosebetsi oa rona o motle kannete moroho oa rona o atleha ho fela kaha ha o qala o loka o se o ntse o e-na le bareki, ba o nkang ka bongata ba il'o o rekisa le batho ka bomong. Re boetse re hlahisa lijo tsa likhoho ka poone e tšehla. Re na le barui ba likhoho bao re ba rekiset-sang lijo, sekolo le khoebo eo re e fang moroho ka lina-ko tsohle. Ka hona re leboha haholo 'me re leboha le bohlophisi ba Koranta ka ho re fa monyetla oa ho tla tse-

bahatsa mosebetsi oa rona.

Liqholotso

Joaloka khoebo e 'ngoe le e 'ngoe ha ho na tsela e se nang moepa. Liqholotso tseo hangata re kopanang le tsona ke tsa batho ba nkang mokitlane, eba ba nka nako e telele ba sa lefe. Re khathatsoa haholo ke mafu le komello kapa mongobo o mongata. Empa qholotso e kholo ka ho fetisisa ke ha khoebo e sa tsamae hantle ebe joale motho o se o ntse o nahana hore na o tla etsa joang. Ho feta mona qholotso e 'ngoe ke moo batho hangata ba batlang ho ipehela litheko tse batloang ke bona, ba sa ipapisa le bo-leng ba lihlahisoa tseo re li rekisang.

Toro ea hae

Ho feta mona ke batla ho bona khoebo ena e hola, ke hirile bacha ba bangata ka litsebo tsa bona tse fapaneng. Hajoale ke na le ba tšeletseng feela, empa ha mosebetsi o le mongata ke na le ho eketsa ka ba tšeletseng haholo-holo nakong eo re hlomang sethopo le ho tšella seboko le lehola. Tšebetso eo re e fumanang e mpha matla a maholo a ho phethahatsa takatso ea ka ea hore ka let-satsi le leng ke batla ho ba mohoebi e moholo oa temo. Takatso e kholo ke ho bula 'maraka o moholo oa temo joaloka e teng litoropong tse kholo tsa Lesotho.

Keletso ho bacha

Keletso eo nka ratang ho e fa bacha ke hore ba tsebe hore temo ha se potele e khoathoang ka lehlaka. E na le likatlheho le liqholotso tse ngata. Ka hona e hloka bacha ba nang le lerato la eona, mamello nakong ea mathata le ho ba le boikitlaetso bo boholo ba ho fihla moo ba batlang ho fihla hona teng e leng ho ba mohlalisi e moholo oa temo le ho bona hore ha ho sa na meroho e kenang kahare ho naha, bohle re reka lihlahisoa tsa boleng tsa Lesotho mona. Hape bacha ithuteng, kenang sekolo ho ea ithutela mosebetsi oa temo le tsebe ho tla itšoarela ka matsoho le ho hlahisa lihlahisoa tsa boleng.



Listen To Us Here

Mafeteng
Mohale's Hoek
Qach's Nek
Quthing



Maseru
Berea
Leribe



Mokhotlong
Thaba Tseka
Butha Buthe



www.bokamoso974.co.za

RSL le SARS li thakhola liphuputso



Nthabeleng Seithleko

Ele ho matlafatsa mekhoe ea tšebetso ea bahoebi nakong ea tsamaiso ea thepa malibohong le ho ba bolokela nako, Setsi sa Pokello ea Lekhetso sa Lesotho(RSL) ka kopanelo le sa Afrika Boroa (SARS), li thakhotse boithuto ba libeke tse peli, boo morero e leng ho sheba moo likhoqetsane tsa tsamaiso le phetiso ea thepa malibohong li leng hona teng. Litaba tsena li bile ka la 6 Motšeanong monongoaha.

'Mamakoala Pitso ho hlaha Ofising ea Botataisi Litabeng tsa Phetiso ea Thepa Malibohong, o supile hore boithuto bona bo retetsoe ho tla sheba likhoqetsane tse bang teng nakong eo ho fetisoang thepa malibohong ho tloha Naheng ea Lesotho ho ea Afrika Boroa le ho tloha naheng eo thepa e tla Lesotho. O re sena se etsoa e le ho leka ho fumanela bahoebi tharollo ea moshoelella hore ba se ke ba nka nako e telele ka thepa malibohong.

O re ho tla ba thusa ho theola litheko tsa thepa ha e ntse e lutse lelibohong ha mohoebi a tsamaile kapele, 'me ba tl'o sebetse lelibohong la Maseru le la Ficksburg hape morero ke ho ntlafatsa phano ea litokomane ka marang-rang hore bon-yane motho a nke metsotso e 30 a ntse a le lelibohong ka thepa.

'Malikhabiso Majara ho hlaha Mokhatlong oa Bahoebi ba Lifeme, o re taba ena e tlo ba thusa hore malibohong ho sebetsoe ka tsela e tšoanang le litokomane ho sebelisoa tse tšoanang e le ho ba thusa ho fihlisa

qholotso e kholo ke lekhetho le holimo la Afrika Boroa le fapakaneng le Lesotho. Ka hona tebello ke hore boithuto bona bo tle ka tharollo mathateng ao ba tobaneng le ona litabeng tsa khoebo.

Mookameli Customs Land Modality(SARS), Vonani Ntlhabyane o hlalositse hore boithuto bona bo tla ba thusa ho baleha

sephethe-phethe se ba-koang ke likoloi tse emang nako e telele malibohong, ka hoo ba ikemiselitse ho bona hore ba fumana tharollo ea moshoelella ea ho sebetse ka tsela e tšoanang le Lesotho. A re ba rata ho bolokela bahoebi nako molomong oa tšebeliso empa ka linako tse ling thepa e be e-na le mathata, litokomane li sa fella.

A leboha RSL ka tšebetso ena e tla ba thusa ho tšoanana ka matsoho molemong oa khoebo le khoebisano e tsoileng matsoho.

Mookameli Litšebeletsong tsa Baji (RSL), Rakokoana

Makoa o supile hore tšebetso ena e etsoa e le mokhoa oa ho nolofatsa khoebisano lipakeng tsa linaha, ntlafalo ea moruo le ho potlakisa tšebetso. A re ba tl'o sheba mekhoe e etsang hore mokhoa oa ho tsamaisa thepa o se ke oa ba bonolo, ebe ba nolofalloa ke ho ba le lipuisano le Afrika Boroa. Ka hoo a re tebello ke hore sehlopha se Rupertsoeng ha se qeta mosebetsi oo, se tle se fetele malibohong a mang ho etsa boithuto le ho bokella lipalo-palo tse tla ba thusa ho tla ka tharollo ea moshoelella mathateng a bona.



thepa ho baji ka nako. O re ba lebelletse ho nka nako e khutšoanyane malibohong hobane hangata ba nka matsatsi a mabeli moo e bang thepa ea belaelloa e nka libeke-beke e laolloa hore qetellong bohle ba fumane 'nete ea se ngotsoeng tokomaneng.

O re mokhoa oo oa tšebetso o bohloko hobane ba qetella ba kena litšenyehelong tsa ho hira batho ba laollang le ho laela thepa e leng se ba jesetsang khoebeleng. O supile hape hore

O khutlisa tšepo ea Basotho-тк

Tšeliso Thakholi

Tona-Kholo Samuel Matekane o re 'maraka oa Hlo-ma-o-hlomolle o khutlisitse tšepo ea Basotho ba bangata bao kajeno ba tsebang hore ba na le lehae moo ba ka isang lihlahisoa tsa bona hona teng. O buile tsena moketeng oa ho tšoaea selemo oa lipontšuo tsa lihlahisoa tsa Basotho o bileng khubung ea Motse-Moholo Maseru

maoa litabeng tsa ntlafatso ea moruo moo ba elelloang bohlokoa ba ho ikemela litabeng tsa tlhahiso. A re 'maraka ona ke o mong oa matsapa ao 'Muso oa Lesotho ka kopanelo le bahoebi ba bang ba Basotho ba lekanang ho itlhahisetsa le ho fumana limmaraka sebakeng sa tlhahiso ea bona.

"Khoeli e 'ngoe le e 'ngoe ha le le teng mona le atleha ho etsa chelete e kaalo ka M450,000.00 ka letsatsi leno le le leng khoeling. Le



etsi e Meholo le Ntlafatso ea Likhoebo, Mohlomphehi Mokhethehi Shelile o itse 'maraka ona o etsa mosebetsi o matla haholo oa ho bopa le ho kopanya Basotho, e le hore ba tsebe ho thakelana ka malebela le ho bontšana moo ba nang le litsebo hore na ba ka thusana ka litsela tse joang hore thepa ea bona e tsebe ho kena limmarakeng.

A re ntlha e 'ngoe ea bohlokoa ka 'maraka ona ke ho fumanela Basotho moo ba ka rekisang lintho tsa bona teng. "Re leboha tšebetso ea lona kamor'a ho utloa mohoo oa rona re le lekala hore le ke le atamele le tlise thepa ea lona koano re tlii'o tla re koala seterata sena se seholo sa Maseru re rekise." O beletse joalo a bile a eketsa ka hore ba ikemiselitse ho tšehetsa lipapatso le lipontšuo tsa Basotho ka ho bona hore ho na le moo ba rekisetsang. A khothatsa le ho tlatsa Basotho ka morolo ka hore

ke nakong ena e thata eo mebaraka e meholo ea lefatše e batlang ho ba furala, ba tlamehang ho tiisa le ho sebetse kathata ho feta, ka ho hlahisa lihlahisoa tse ngata ho feta mona. "Re hlahise tsa rona re li je pele haeba re e-na le tse ling tse ka holimo re tla li isa mebarakeng e joalo." A rialo a bile a phethela ka hore 'muso o tla tsoelapele ka 'maraka oa bona.

Mookameli oa Koporasi ea Ntlafatso ea Likhoebo tsa Basotho(BEDCO), Monghali Lemphane Lesoli o itse mosebetsi oa mantlha oa BEDCO ke ho fuoama likhoebo tsa Basotho ho tloha sethathong ho fihlela lithuthu li ba li e ba kholo. A re maikemisetso a bona ke ho atametsa 'maraka likhoebo tsa Basotho. Lipontšuo tsena li thakhotsoe ngoahola ka sepheo sa ho hokahanya bahlahisi, bareki, batseteli le ho netefatsa hore lihlahisoa tsa Basotho li'a tsebahatsoa.



ka la 3 Motšeanong monongoaha moo a boletseng hore 'muso o behelletse kathoko chelete e kaalo ka M400 Million e ka sepheo sa ho ntlafatsa likhoebo tsa Basotho.

A re 'maraka ona o tla nakong eo lefatše le fetolang

boetse le lipaki tsa ka ka moo mosebetsi oa 'maraka ona o ntseng o hola ka teng. Ka hona re motlotlo haholo haele mona re qeta selemo joale e sale o thehoa le ho kenngoa tšebetsong." Ke Tona-Kholo eo.

Letona la Khoebo, Meseb-

Rabasotho o hlahloba tšebetso ea phepo

Nthabeleng Seitlheko

Motlotlehi Letsie III o re phepo e nepahetseng ha e felle feela litabeng tsa bophelo bo botle empa e matlafatsa kholo le thuto ea ngoana, le ho nyolla moruo oa naha. Litaba tsena o li boletse ‘mokeneng oa lipontšuo tsa phepo e ntlafetseng le ho hlahloba tšebetso ea lihlopha tsa phepo e nepahetseng literekeng, ka la 6 Motšeanong monongoaha. O hlalositse a khotetse ho bona Basotho ba ikakhetse ka setotsoana litabeng tsa phepo e nepahetseng kaha ho thusa hore re be le sechaba se koen-

tla ba sieo hape sechaba se tla be se itlahliselitse lijo. O re ha se lijo feela empa mesebetsi ‘moho le sechaba sa kamoso se tsebang hore bophelo bo fumaneha temong. Mokhethoa oa Meking, Thabiso Lekitla o itse Naha ea Lesotho e ntse e tobane le kahlhello ea tlhahiso ea lijo le ho iphepa kaha malapa a mangata a tobane le tlala. O re qholotso ena e ka hloloa ke ha sechaba se kopane ‘moho ho thakelana ka malebela le ho bona hore lihlopha tsa sona tsa boipheliso li’a phela. O re ho latela qholotso e tlišoang ke boemo ba phetoho ea leholimo sechaba se se nyahame empa se tsoelepele ho lema se sebe-

sechaba sa habo ho ipokellela metsi sebakeng sa noesetso hobane nakong ea komello ba sitoa ho hlahisa lijo malapeng ka lebaka la leqeme la metsi. A re metseng ea habo bona tlala ke pale ea maobane ka lebaka leo o khotlaetsa basali le banna ho ba karolo ea lihlotšoana tsena tse ba thusang ho koetlišoa ka mekhoe e fapaneng ea boipheliso le ho boloka litsiane kamor’a ho rekisa. ‘Mankalimo Raleneha, e mong oa basali ba kahar’a lihlopha tsa phepo e nepahetseng, o hlalositse hore o ne a kena sehlopha sena hobane a se na seo a se etsang hae, a lula feela, ‘me ha joale o’a itšebetsa bana ba robala ba jele mefuta e mer-



neng, se ntlafetseng, se tla bonahala ka ho etsa liqeto tse nang le boleng. A re ha Basotho ba iphepa malapeng, metseng le naha e tla apareloa ke khora sechaba e tla ba se tsebang ho iketsetsa le ho itšoarela ka matsoho. O bontšitse hore katleho le kholo ea lihlopha tsena ke kholo ea moruo, kopano ea sechaba le khotso hobane litlolo tsa molao li

lisa mahlale a sona, haholo ho boloka metsi nakong ena eo lipula li nang ka sekhahla. O thoholelitse sechaba sa habo ka boithukhetso bona ka le reng ke qaleho ea bophelo bo botle le kholo e ntle ea sechaba se tsebang ho iphelisa ka temo se sa lebelloa ho hiroa. Lebitsong la Morena oa Sehlooho oa Phamong, ‘Matšenolo Bereng o khotlalletitse

aro ea lijo. A re bophelo ba lelapa la hae bo fetohile hobane lijo tseo a neng a li reka o se a li fumana serapeng, ka hoo o ikemiselitse ho tsoelapele ho lema kaha a rekisetsa le ba haufi le eena. Ke bonyane lihlopha tse 110 tse seng li thehiloe e le tsa phepo e nepehetseng naha ka bophara, ebe ele batho ba 483 bona ba fuele lipeo.

U tseba ka lefu la Lupas?

Nthabeleng Seitlheko

Lefu la Lupas ha le tšoaetsane, ha le fole empa ke lefutso ha pheko ea lona e le ho sebelisa lithhare tsa lona tsa bophelo bohle. Litaba tsena li boletsoe ke mokuli oa lefu lena Thabile Malinyane, puisanong ka mohala le Koranta ka la 7 Motšeanong monongoaha. Malinyane o supa ha lefu lena le mo qalile ka khoeli Mphalane 2023, kamor’a ho longoa ke noha a le lapeng habo Ha Seoli, kamor’a moo o ile a qalella ho tsoa makhopho a masesane a neng a mo tlala ‘mele hoo khopolo ea lingaka e neng e le hore chefo ea noha ha e’a tsoa ‘meleng. O re makhopho ao a ne a sa hole hoo khopolo ea lingaka e neng e le hore joale e se be o na le lefu la tsoekere leo a ileng a hlahlojoa a fumanoa a se na lona. O bontšitse hore kamor’a moo o ile a hlahlojoa hore na h’a na mofetše oa letlalo empa sephetho sa latola taba eo, ke moo ho ileng ha fumaneha hore ona le lefu la Lupas le bakoang ke masole a ‘mele a itoantšang, ‘me ho tloha a tsebile ka lefu lena ho ne ho le thata ho fumana lithhare hobane li theko e holimo haholo. O re ho fumana tharollo o ile a ngola marang-rang a hae, a kopa thuso. “Ke ile ka fumana mohala ho hlaha Setsing sa Health Direct, ka mooki e bile e le mothehi oa sona, ea ileng a qalella lithahlobo tsa ka le ho nthusa ka lithhare ‘me litšenyehelo tsohle li tsoa ho eena.” Ke Malinyane. O re qholotso e kholo ke hore motho oa lefu lena h’a be le meralo ea bophelo joaloka mang le mang hobane o lula a opeloa hoo lithhare tsa bohloko li seng li sa thuse. O re le mo bakela khatello ea maikutlo hobane neng-neng a ka tloha a sitoa ho robala, a tsoa mookola,

a ohlola mali, mokhathala o boima hoo a sitoang ho tšoara letho, ho opeloa ke liphieo le ho bupetsana ho etsahalang nako eohle. O re h’a sebetse o phela ka ho bapatsa likhoebo tsa batho marang-rang kapa a fua lithuso ke batho ba boithatelo bo botle kaha a lokela ho lefa ntlo ea bolulo mo a phelang teng. O bontšitse ha ka letsatsi bonyane a noa lipilisi tse 30 ho latela hore ka letsatsi leo o ikutloa joang le hoja ho le boima kaha lithhare tseo li sokoleha. H’a phethela o itse lefu



lena ha lea tloaeleha, ke lefutso ebile ha le tšoaetsano, ebile batho ba lefu lena ha ba bonahale mahlong kaha le ipata kahar’e le tlasa mafu a mang. A re ho bohlokoa hore bacha ba phamolele litaba tsena holimo ba ithute ka tsona kaha a na le tumelo ea hore batho ba bangata ba bolailoe ke lona ba sa tsebe. A re ekare lithhare li ka fumaneha mahala kaha a sebelisa bonyane M4,000.00 ho isa M7,000.00 ea ho reka lithhare ka tšebetso ea Health Direct. Ho sa le joalo, Ramahlale oa Lipatlisiso ka Mafu a Mofetše le a sa tloaelehang Lekaleng la Bophelo, Dr. Sejojo Pharoe o hlalositse hore lefu la Lupas ke lefutso ‘me le bakoa ke masole a ‘mele a itoantšang le ho hlasela likarolo tsa ‘mele. A re Basotho ba hlahlobele lefu lena kaha matšoao a lona e le mokhathala, ho khathala manonyeletso, makhopho a bang mafubelu, ho opeloa ke liphieo, pelo, matšoafu le ho ba le khatello ea maikuto kaha booko bo ameha. O re leha sesosa sa lefu lena se e-s’o tsejoe empa pelaello ke hore ke lefutso ‘me le kotsi ha le fumanoa nako e se e ile. Ho ea ka liphuputso tse e ntsoeng ke Mokhatlo oa Lupas America, lefu lena le tšoara bonyane batho ba 1.5 milione lefatšeng ‘me 90% ke basali.



Nyollo ea litemiso

Nthabeleng Seithleko

Raliphatlalatso oa Mokhatlo oa Bahoebi ba Likoloi tsa Baeti, (MRTO) Lebohang Moea o re ba ngoletse Lekala la Lipalangang lengolo le kopang nyollo ea litemiso tsa likoloi a baeti, ho tloha ka M2.00. O re kopo ena e ipapisitse le maemo a phahameng a nyollo ea lithupa tsa likoloi, theko ea likaroloana tsa tsona tsa tokiso le tsona. O boletse tsena pušanong le Koranta ka la 7 Motšeanong monongoaha.

O re bona ke bahoebi ba lefang lekhetho, ba keneng khoebong kannete eohle eseng botsotsi ba kenang ba sa lefelle litšebeliso tsohle. O re ba hula ka tlhako tsa morao pokellong ea chelete ea letsatsi ka leng hobane ho na le likoloi tse utsoang bapalami, ka le reng ba ba potlakisa.

O re khoebo ea bona e senyehile, ba imetsoe le ke litemiso tse lefelloang likoloi nakong ea tlhahlobo litšebeliso, ka hoo ka lebaka la ho phelisa malapa, ho lefa baqhobi le ho lokisa likoloi ba lokela ho kopa nyollo. O re ke tokelo ea bona kaha le bona ba lokela ho phela. A re leha ho bonahala moruo o ntse o tetema empa ba sitoa ho iphanyetsa seo hobane tharollo mathateng a bona ke nyollo e seng ho hong.

O tsoetsepele hore ba ela hloko baji ba bona, ha likoloi li etsa phaello malapa a mathetleng a bona a atleha ho phela, ka hoo ba ipiletsa ho Basotho ho palama likoloi tsa bona hobane li bolokehile hobane ka tsona motho o phetha leeto la hae ho se ts'itiso ea letho.

H'a phethela, o supile hore ba se ba emetse qeto ea lekala le hoja ba se ba bitselitsoe lipuisanong. A re ho kotsi ho bapalami ho palama likoloi tseo e seng tsa baeti hobane seo se beha bophelo ba bona tlokotsing.

E mong oa bahoebi ka har'a teropo ea Maseru, 'Mampho Ramelao o supile hore eena ke moitšokuli ea palamang letsatsi le letsatsi hore a tsebe ho fihla mosebetsing oa hae, hoo ka matsatsi a mang a tsamaeang ka maoto hobane a hloka chelete. O re ho latela bobae ba khoebo, likoloi ha li lokele ho nyolloa kaha batho ba bangata ba sa sebetse le ba sebetsang ba fu-

mana meputso e tlaase.

A re bophelo ba hona joale bo hloka batho ba nahanelanang e le hore bohle ba tle ba etse liqeto tse nang le kutloelo-bohloko. A re ho nyoloha ha litemiso tsa likoloi ho tlo qholotsa le ho nyoloha ha lijo joale le bona lithupa ba tla lokela ho ipa-



pisa le liphetho ba nyolle.

Ka lehlakoreng le leng, e mong oa basebetsi ba lifeme, 'Makatlheho Seutloali o itse o palama ka chelete ea basebetsi eo ka matsatsi a mang a se nang eona, 'me qholotso e kholoo ke hore ba na le ho theohela

libeke tse peli ebe matsatsi a mang ha ba theohela hobane ho se mosebetsi, 'me taba eo e ba nonyetsa haholo hobane e thatafatsa bophelo.

E mong oa baqhobi ba likoloi tsa baeti, Rangoajane Jane o bonts'itse hore ha ba sa khona ho etsa liphanello mosebetsing oa bona hobane lithoko tsa mafura, lits'epe tsa likoloi le mabili a tsona li nyolohile ka lebaka leo ba lokela ho sebetsa ba ipapisitse le liphetho tsa bophelo leha ba tseba hore Basotho ba imetsoe ke meputso e tlase mosebetsing ea bona empa le bona ba lokela ho eloa hloko hore ba phelisa malapa.

O tsoetsepele hore e bang litemiso li sa nyolohoe khoebo e tlo putlama hoo le baqhobi ba hiriloeng ba ka felloang ke mosebetsi, "mosebetsi oa rona o se o le tlokotsing hobane batho ha ba thatafalloa ke bophelo le ba sebetsang ba reka likoloi tsa baeti kapa ho sebetsa ka likoloi tse se nang le mabitso kapa hona ho khafa, 'me sena se nonyetsa khoebo le ho e hlokisa seriti."

A khothaletsa tlhahlobo bocha

Nthabeleng Seithleko

Morena oa Sehlooho oa Leribe, Joel Motšoeni o entse tšisinyo ea hore Litho tsa Ntlo ea Senate li khothaleitse 'Muso oa Lesotho ho batalalatsa mabala tšebetsong ea Morero oa Metsi a Lihlaba tsa Lesotho (LHDA) hore Basotho ba tle ba une molemo tšebetsong ea morero. O boletse tsena, tulong ea Ntlo ea Senate ka la 6 Motšeanong monongoaha.

O re Basotho ba lokela ho una molemo mekhahlelong e fapakaneng ea tšebetsong ea morero e le karolo e kholo ea ho khutlisetsa molemo sechabeng eseng ho etsoe tjela mahlong. O re haeba ke 'nete morero ona o molemong oa ntlafalo ea sechaba le moruo oa naha re lokela ho bona sechaba se ntlafalang eseng se likola ka mahlong.

O supile ha 'muso o lokela ho khutlela morao ho hlahloba morero bocha hobane ho kenya maano a ona tšebetsong ke bothata, kaha Basotho ba ntse ba itšela ka likeli le hona joale. O re ntho e bohloko ka ho fetisisa ke ea hore Basotho

ba phelang libakeng tseo ho ntseng ho etsoa morero ba sotlehile, o ipotsa kamehla hore na athe morero o arabela tlhoko ea ba joang.

Morena oa Sehlooho oa Tajane, Thato 'Mako Mohale o supile hore tumellano ea morero e ne e le hore o tla kenyetsoa sechaba metsi le motlakase e leng se e-s'o etsahale libakeng tse ling moo o ntseng o sebetsa. A tlatso Morena Joel ka tlhahiso ena kaha ba lokela ho ema le sechaba le ho se buella molemong oa tsoelopele, kholo le ntlafalo ea sona.

Morena oa Sehlooho oa Mokhotlong, Lerotholi

Seeiso le eena ka tsela e tšoanang o tlatso tshahiso ena ka le reng seo a se bonang ke tlatso le bofuma ho sechaba sa moo morero o ntseng o sebetsa ho sona, ekare ba lokelang ho sebetsa litaba tsena ba ka ema le sechaba hobane bophelo ba sechaba ha bo ntlafetse naha e'a tlokoma moruong.

A re sechaba se ntse se le seboko ke khiro e hlokanang ponaletso, ho feta moo ba bang ba hlahisa empa ha ho bareki ba lithupa tsa bona. O re seo a se bonang ke hore morero o tlo sia sechaba se ntse se itšela ka likeleli ho se bophelo bo ntlafalitsoeng.

Mazenod BOOK CENTRE

22 322 213 / 27 350 562

maserubookcentre@gmail.com / bookcentre@mazenodprinting.co.ls

Phakoana Tšeoana

M195.00

Malebela

A5 M152.00

A4 M75.00

Mosali a Nkhola: M195.00

Lesotho lea ea: M150.00

Tholoana tsa Sethepu: M130.00

Libuka tsa sesotho

Tseba boemo


ba hau u

alafshoe



MOB KIDDS EDUTAINMENT

Puzzle MOB 93-45825



Across

- 1 Lentsoe le nang le moelelo le arola (7)
- 3 Mokotla oa letlalo o bolokang lebese ho etsa mafi. (6)
- 6 Nonyana e khoaba e ka tlasana ho seoli, e jang litoeba le linonyana tse nyenyane. (8)
- 8 Nkho e bolokang mafura (7)
- 11 Khoeli eo ho thoeng ke ea Ra-se-tla-ka-...sentša mafi. Re bona ha 'malihlofa a busa. (6)
- 13 Mahlakeli-a-hlaka. Khoeli eo mabele a bang mpa tsa mathoele. (10)
- 14 Nong e phatšoa kapa phatšoana e jang litsie le marutle, e fallang ha Mariha a thoasa. (6-4)
- 15 Khoeli ea ho tšoasa naleli e bitsoang Moranang. Bale ba ntšoa mophathong ka eona. (4)
- 16 Lentsoe le hananang le sehanyatha. (9)
- 18 Selema sa Basotho (6)
- 19 Lijo tse sa jeoeng ke bana ho latela moetlo oa Sesotho. (4)
- 20 Khoeli eo ka eona serame se boelang metsing (5)
- 21 Le leng la mabitso a menoana ka letsohong le letšehali. (5-2-4)


Down

- 2 Ngoan'a tau. (9)
- 4 Motho ea il'o ntša mahali (8)
- 5 Mofuta oa tali (5)
- 7 Lebitso la menoana ka letsohong le letona. (9-4)
- 9 Motoho (12)
- 10 Ena hee, ke khoeli ea moqhoba-ngoetsi (10)

- 12 Nong e nala ka 'mala e ka tlaasana ho Ntsu, e jang liphoofotsoana tse kang lipela, likonyana le lipotsanyane. (5)
- 14 Motšeanong, Phupjane le Phupu (6)
- 17 Ngoan'a moshanyana oa habo mosali oa ka. (5)

SOLUTION

MOB 93-4583





TSA KEREKE

Mosi o ntse o le motšo

2024-2025 SELEMO C

SONTAHA SA 4 SA PASEKA



Liketso 13:14.43-52

Pesalema 99

Tšenolo 7:9.14-17

Joannes 10:27-30



Khothatso

Li utloa lentsoe la ka ‘me li’a ntatela

Morena o bua ka linku tse utloang lentsoe la hae ‘me li mo latela, ka mantsoe ana o bontša hore ke eena Molisa ea Molemo. Hobane qalong ea Khaolo ea 10 ea Evangeli ea Joannes o re, “Ke ‘na Molisa ea Molemo, ‘me Molisa ea Molemo o tella linku tsa hae bophelo ba hae.” (Joannes 10:11) Linku tsee tseo Kriste a buang ka tsona ke bo-mang? Morena Jesu ka mantsoe a hae o boetse o re, “Ke na le linku tseo e seng tsa lesaka lena, ke lokela ho li lata le tsona ‘me li tla mamela lentsoe la ka. Ebe mohlape o ba mong le molisa o ba mong.” (Joannes 10:16)

Bakriste ba bangata ba utloisisa eka Kriste h’a bua ka linku tseo e seng tsa lesaka o bolela hore likereke kaofela li’a lekana. Ka hona linku tseo tse lahlehileng ke bana ba habo rona ba ikarohantseng le rona. Taba eo ke pherekano e teng feela kahar’a Bakriste hobane Kriste o ne a bua ka Balichaba bao e neng e se karolo ea Bajudi.

Kriste o boletse hore o romiloe linkung tse lahlehileng tsa ntlo ea Israele (Matheus 15:24) ‘me Thutong ea Pele le utloa hore ba bang ba ntlo ea Israele ba ne ba qhelela thoko grasia ea Morena Molimo. Eaba Paulosi le Barnabase ba bua ka phatla e phameng hore joalokaha ba hanne lentsoe ‘me ba inkile e le ba sa lokelang, ba tla fetela ho Balichaba joalokaha Morena a ba laetse hore o ba romile ho ba leseli la Balichaba le ho tliša pholoho hofihlela lipheletsong tsa lefatše. (Liketso 13:46-8) Paulosi o re ho Ba-Galata, “Ha ho sa na Mojudi kapa Mogereki, lekhoba kapa ea lokolohileng, e motona kapa e motšehali hobane kaofela ha lona le ntho e le ‘ngoe ho Kriste. Haeba le ba Kriste le litloholo tsa Abrahamana, bajalefa ho latela tšepiso. (Ba-Galata 32:28-9)

Ka hona bana b’eso hofihlela ha joale, le utloile hore Molisa o mong ho bohle, lesaka le leng leo linku tsohle li kenang ho lona. Bohle ba batlang Moea oa ‘Nete ka tieo, ba utloa lentsoe la Kriste ‘me ba mo latela ka tšoanelo.

Thutong ea Bobeli ho hlaha mantsoe ana, “bohle ba tsoileng matšoenyehong ba hlatsoitse liaparo tsa bona ‘me ba li soeufalitse maling a Konyana.” (Tšenolo 7:14) Bongata bo utloisisa eka mona ho bolela bashoela-tumelo empa ha ho joalo. Ha le sheba Buka ea Tšenolo, le tla hlokomela hore liaparo tse tšoeu li bolela Bakriste bohle ba khethuoeng ke Morena Molimo. (Tšenolo 3:5, 6:11, 7:9, 7:13, 19:8) Ka hona bohle ba liaparo li tšoeu ke bahalaleli ba phelang ba etsang ‘Mele oa Jesu Kriste. Kaofela re utloisise hore torong ena ea Joannes, le hoja e bua ka mahloko hakaalo e qetella ka tšepiso. Hobane nako e’a tla eo ho se nang ho ba le tšala kapa lenyora. (Tšenolo 7:16; Isaia 49:10; Joannes 6:35, 7:37)

Mohla nako eo e fihlang kaofela re tla bona boprofeta bona bo boleloang kajeno, ‘me re hopole hore pholoho ea rona e tilile ka Konyan’a Molimo. Ka nako eo re tla bona misteri ona joalokaha re ile ra utloa lentsoe la Molisa ea Molemo ‘me ra le latela. Mohau le grasia ea Molimo Ntate li be le lona bohle bekeng ena, ha le ntse le tsoelapele ho mamela lentsoe la Molisa ea Molemo.

Bahalaleli har’a Beke

12	Motšeanong	Diomma
13	Motšeanong	Mael
14	Motšeanong	Boniface
15	Motšeanong	Britwin
16	Motšeanong	Abdas
17	Motšeanong	Cathan

Tšeliso Thakholi

Mosebetsi o moholo oa ho khetha mopapa e mocha ka lekunutu o ileng oa thakhohoa ka Sehlabelo se Halalelang sa ‘Missa Kerekeng e Kholo ea St. Peter’s Basilica, Vatican City ka la 7 Motšeanong monongoaha, se neng se eteletsoe pele ke Rameea oa Likhosana tsa Kereke, Khosana Giovanni Battista o kene letsatsing la

Rome le baprista ba liparish tsa Rome. Nalane e boetse e re bolella hore mehleng eo ea pejana, baprista ba liparish tsa Rome ba ne ba sa fete 20 ka palo.

Palo ea bakhethi e tlalehoa e ile ea eketseha ha Kereke e ntse e hola, feela ba lilemo tse ngata, ba ne ba sa fete 70 joaloka maqheku a 70 mehleng ea Moshe. Mopapa Johannes XXIII o tlalehoa e le eena ea ileng a eketsa palo ea bona haholo, ‘me ka selemo sa 1962 ba ba le 90. Mopapa Paolosi VI h’a nchafatsa melao ea

eo lefatše la Afrika le shebileng ka leihlo le nchocho hore mohlomong Moea o Halalelang o ka ‘na oa supa eena ho ba molisa e moholo oa Kereke ka lefatše lohle. Hara bao menyenyetisi e ntseng e supa hore ho ka ‘na ha khethoa mopapa ho bona ke Likhosana Pietro Rarolin eo e leng Mongoli-Kakaretso oa Vatican, Luis Antonio Gokim Tagle eo e leng setho sa Lekhotla la Likhosana tsa Kereke le Fridolin Ambongo Besungu oa Naha ea Democratic Republic of Congo.



bobeli, moo Likhosana tsa Kereke e Katholike tse 133 li ntse li tsoelapele ka matla a Moea o Halalelang ho etsa khetho ea Rabalumeli.

Litlaleho li supa hore ke Likhosana tsa Kereke tse 267 ho hlaha litikolohong tsohle tsa lefatše tse teng ‘mokeng ona, empa ke tse 133 tse lilemo li ka tlase ho 80 tse nang le tokelo ea ho tla khetha mopapa e mocha. Ho ea ka nalane ea Kereke sethathong bakhethi e ne e le babishopo ba haufi le

ho khetha mopapa, o ne a behe hore likhosana tse nang le tokelo ea ho khetha ba se ke ba feta 120, ‘me a ba etsa qeto ea hore likhosana tse seng li na le lilemo tse 80 ho ea holimo li se be le tokelo ea ho khetha.

Likhosana tsa kereke li tlalehoa li le 267 ka palo, ‘me 133 ke eona e nang le tokelo ea ho khetha ho kenyeletsa har’a bona Khosana ea Afrika e leng Khosana Peter Kodwo Appiah Turkson oa Naha ea Ghana. Ke eena

Ho sa le joalo letsatsing la pele la la 7 ho ile ha bonahala mosi o motšo ka hora ea borobong bosiu o pakahatsang hore Kereke ha e-s’o fumane moetapele e mocha. Likhosana li tla tsoelapele hape ho etsa khetho.

Letsatsing la bobeli hape ho boetse ho bonahetse mosi o motšo lihoreng tsa hoseng, ka hona Likhosana li tla boela li khetha hape ‘me re tla bona sephetho mantsiboea.



Mohope o shebile Lesotho

Tšeliso Thakholi

Sehlopha sa Naha sa Banana ba lilemo li 17 sa Lishoeshoe se tla isana holimo le tlase le sa The Mares ea Botswana, papaling ea sona ea pele e bulang lithholisano tsa Mohope oa COSAFA U17 Girls Championship tse tlii'o bapalloa Lebaleng la Hage Geingob, Namibia ka Sontaha sa la 11 Motšeanong 2025.

The Mares eo e leng lekhetlo la bone e kenela lithholisano tsa Mohope oa COSAFA U17 Girls Championship, e tla bapala papali e hlahlamang le Young Mighty Warriors ea Zimbabwe ka la 12 Motšeanong monongoaha, ebe Lishoeshoe e botsana lipotso le eona Young Mighty Warriors ka la 14 Motšeanong.

Ngoahola ha Lishoeshoe

e ne e qala ho bapala lipapali tsena e ile ea makatsa barati le batšehetsi ba bangata ba bolo ea maoto ea

Lesotho Ntsamaeng Tholo a neng a bontše boiphihlelo papaling ea bolo ea maoto ka ho hlaba lintlha tse 'ne a

le sehlopha se neng se le matla haholo lipapaling tseo sa Copper Princesses ea Zambia, se neng se e ka-

ngoahola, 'me e bile thuto ho bona kaha ba ipone li-phoso moo ba ileng ba khabela teng. Ba tiisa hore leihlo ha le fahloe habeli.

E le ho matlafatsa taba ena Mokoetlisi Tjamela Tjamela 'moho le bao a sebetsang le bona ba tla be behile tšepo ea bona e khoho ho sehlopha hore se tla sebetsa hantle, empa haholo-holo ho libapali tse kotsi tse kang Ntsamaeng Tholo ea ileng a bapala hantle haholo ngoahola, Nteboheleng Soane ea ileng a hlabela sehlopha ntlha ea tlhoho khahlanong le Mozambique ha se tla kena ho makhaola-khang le libapali tse kang Boiketlo Molise, Tebello Lesala, Thato Molete, 'Mampona Lekanyane le Itumeleng Phiri. Boholo ba bona ke ba bapalang kapele, bohareng le kamorao e leng taba eo bakoetlisi ba lokelang ho e sebelisa e le molemo hobane ba tla be ba e-na le matla mekhahlelong eohle ea papali.



basali ka ho hlohlora Es-watini ka thupa ea 6-0, papaling ea bona ea pele ea Mohope oa COSAFA U17. Ha barati ba bolo ba sa makaletse taba ena, ke ha e bata Comoros leqeba le sa tšeloeng ke nta ka ho e shapa 10-0, moo khalala ea

le mong.

Lipapaling tsa bona tsa ho qetela tse neng li khahla mahlo haholo Lebaleng la UJ Soweto, Afrika Boroa e ne e pole Mozambique 2-0 le 1-0 ka tatellano ea ba ea kena ho makhaola-khang moo ba neng ba kopane

kate ntle le qelehelo ka 15-0. Eaba se nka mohope le limentlele tsa khauta.

Monongoaha mohope o shebile ka Lesotho! Kaha sehlopha se ikemiselitse ho sebetsa ka thata ho feta pele. Taba-tabelo ea sona ke ho hlakola sekhobo sa

Lebitsa o koala mamati



Tšeliso Thakholi

“Lona Members le Maroala le tsebe hore re koetse mamati, sebaka sa lona ha se sa le eo kahare ho A Division. Ha le nyolohile, le nyolohile ha re batle ho le bona le boetse le khutla hape.” Sena se boletsoe ke Molula-Setulo oa Komiti e Tsamaisang Lihlopha tsa A Division (ADMACO), Monghali Katiso Lebitsa h'a thoholetsa le ho lebohela lihlopha tsena tse peli tse sa tsoa kena kahare ho Liki e Khoho, 'mokeng oa baphatlalatsi ba litaba o bileng Bambatha, Maseru mafelong ana a beke, moo ho neng ho il'o etsoa lotho ea Mohope oa Nedbank Top 8 Cup oa lihlopha tse robeli tsa A Division.

A re ha ho oa ka ha eba

bobebe hore ebe lihlopha tsena tse peli li fihletse moo li leng teng kajeno, empa ke ka ho sebetsa ka thata nyene le bosiu. “Ka mokhoa o tsoanang re ntse re sebelitse kathata ho bona hore li-

hlopha tsa rona li'a phunyeletsa hore li kenele Top 8.” O boletse joalo a bile a phella ka hore ka ona moea o tsoanang oa ho sebetsa ka thata ha ba ntse ba le kahare ho ADMACO, ba o ntšetsepele leha ba se ba le kahare ho Premier League.

“Ke kopa hore le tsoelepele ho holisa le ho matlafatsa bolo ea maoto. Ha re kope hore le tsamaee ha le fihla kahare ho Premier League le be le il'o hlaha feela, ebe qetellong ea sele-mo le se le khutlela ka koano hape. Ha re etseng bonnete ba hore rea hola, e le hore re tle re tsebe ho khetha libapali tse ka tsebang ho bapala lithholisano e seng feela kahare ho naha empa le machabeng.” Ke Lebitso eo, a bile a phethela ka ho leboha Nedbank Lesotho

ka tšehetso eo e ntseng e fana ka eona molemong oa ho matlafatsa lihlopha tsa A Division.

Lebitsong la NedBank



Monghali Sekonyela Matamane o thoholelitse tšebetso e ntle e etsoang selemo le selemo ke ADMACO. A re se ba thabisang haholo

ke ho bona khoho le khatelo pele e khoho kahare ho lihlopha tsa A Division haele mona tse peli li se li kene kahare ho lihlopha tse khoho. A

tiisa hore selemong sena ba ntse ba tlii'o tsoelapele ka boitlamo boo ba ileng ba boetsa ba ho tšehetsa lihlopha tsa A Division, le hoja a bile sechele ho bolela hore na ebe monongoaha ba tlii'o fana ka chelete e kae.

Ho sa le joalo lihlopha tsena tse tšehelitsoeng ke Nedbank Lesotho ke Kick4Life Juventude, Members, Litšehlo, Qoaling Highlanders, Quthing LMPS, Litšilo, Swallows le Maroala. Ha li qala li thakhoha ka la 10 Motšeanong Kick4Life Juventude e tla bapala le Members, Litšehlo e koebane le Qoaling Highlanders. Letsatsing la Sontaha teng ke moo Quthing LMPS e tla isana holimo le tlase le Litšilo ebe Swallows e nka-na le Maroala.



Li loana ea khumamela

Tšeliso Thakholi

Ntoa ea ho tseka Liki e Kholo li-pakeng tsa Lioli le Matlama, e sa le hore le ho fela kamor'a hore sehlopha sa Matlama se bapale ka menyetla ea sona ka ho khekheha le LCS 'Masheshena' ka 1-1 mafelong ana a beke a tsoa feta, ha Lioli e ntlafalitse maemo a eona lokong ka ho pola Linare ka phafa e bohloko ea 2-0.

Lioli e behiloe merebele habohloko ke Matlama,

'me e li hula pele lokong ka lintlha-kholo tse 61 e bile e salaletsoe ke lipapali tse 'ne pele e phethela selemo sena sa lipapali sa 2024/2025. Athe Matlama e na le lintlha-kholo tse 57 le eona e saletsoe ke lipapali tse 'ne. Boemong ba boraro ke Bantu e bonahalang e se e tsitsitse moo kaha e se e ke ke ea hlola e tseka boemo ba pele

Boraro ba tsona li boetse li'a bapala mafelong ana a beke moo Lioli e tla beng e etetse LMPs 'Semonye' mane Setsing sa Koetliso ea Sepolesa (PTC), ha Matlama ka Laboraro la la 7 Motšeanong e tla be e etetse LU Lebaleng la Rat-



jomose. Athe LDF 'Sohle-Sohle' e tla amohela ka liatla tse peli Bantu ha Ha

Ratjomose.

Phala ea Lioli Monghali Tankiso Moletsane o ne a ile a bolela pejana hore sehlopha sa habo sa Lioli se tli'o boela se sireletsa mohope ona oa sona lekhetho la bobeli ka tatellano. A re ntoa ea ho tseka liki e se e le matsohong a lihlopha tsena tse peli e leng Lioli le Matlama, le hoja lipapali li e-s'o fihle pheletsong.

Ka lehlakoreng le leng Phala ea Matlama Themba Talane o tiisitse hore Matlama e ntse e e-na le monyetla o moholo oa ho hapa liki, kaha lipapali tse setseng ke tsona tse ka thusang Matlama hore e tsebe ho hlaha maemong a pele. A re leha

ba tobane le tabahali e kholo ea hore ba hape lipapali tsohle tsa bona tse setseng, ba hloka tšehetso e matla ea batšehetsi nakong ena e boima. "Matlama tšehetsang sehlopha sa lona haholo nakong ena e boima, le se ke la se furalla. Ka tšehetso ea lona sehlopha sena se tla tseba ho hlola lipapali tse setseng." A rialo.

Ho sa le joalo tse ling li tla bapala tjena: ka Moqebelofane vs Majantja, ka Sontaha Lijabatho vs Mzamane, Liphakoe vs Machokha, Linare vs Ace Maseru le LCS vs Manonyane. Sehlopha seo re qalileng ka sona ke sona se amohelang baeti.



Mosebi o holisa bolo

Tšeliso Thakholi

Bohlophisi ba litlholisano tsa bolo ea maoto tsa Mohope o mocha haholo oa Qeme Easter Football Tournament, bo ile ba hlabolla le ho thabisa sechaba sa lebatooa la Qeme le mathoko a lona ka lipapali tsa lihlopha tse 'ne tsa Mokhahlelo oa B tse neng li tseka maemo a pele ho isa ho a bone, Lebaleng

la Sehlopha sa Thotamoli FC, Ha Lekhobanyane ka la 1 Motšeanong 2025.

Tlasa bohlophisi le tšehetso e matla ea Mofumahali Nthati Mosebi lihlopha tse 14 tsa lebatooa la Qeme li ne li ile tsa nkhisetsana mahafi matsatsing a phomolo e telele ea Paseka a tsoa feta moo ho ileng ha sala lihlopha tse 'ne e leng Members ea Machekoaneng, Lunar Big Fifteen ea Ha Mpo, Black Boyz ea Ha Jimisi le Qeme United ea Ha Mantšebo e le tsa lebatooa la

Qeme.

Papaling ea pele moo Lunar Big Fifteen le Members li neng li tseka boemo ba boraro Members e ile ea tsoa ka lesoba la nale ha e ne e hlola Lunar ka ntlha e le 'ngoe ho lehe. Athe papaling ea ho qetela ea makhao-la-khang Qeme United e ile ea itsamaela bolacha ka ho hlola Black Boyz ka 2-0, 'me ea ikhapela mohope, chelete le limentlele tsa Khauta.

Mohlophisi e bile e le motšehetsi oa litlholisano tsena, Mofumahali Nthati



ba basireletsi ba malapa. "Bo-ntate emisang ho loan-tša basali ba lona, bolokang khotso le ho fa bana, ma-



Mosebi o re sepheo se seholo sa mantlha sa lipapali tsena ke hore ka matsatsi a matelele a phomolo sechaba se ke se kopane 'moho, sa thabe 'moho joaloka baahi ba lebatooa la Qeme. A re ba boetse ba thusa ho hleka bacha ho ba 'moho e le ho ba qobisa litlolo tsa molao. Ka holimo ho tsohle ke ho matlafatsa litalenta tsa bana ba Basotho.

Ke hona lipapaling tsena moo a ile a etsa boipiletso ho banna ho emisa tšekefetso khahlanong le masea, bana, basali le maqhekoana. A re banna e lokela ho

qheku, masea le basali ba lona lerato." Ke Mosebi eo.

Lebitsong la baemeli ba lihlopha, Monghali Tjapane Mafereka o lebohile bohle ba atlehisitseng lipapali tsena ho tloha sethathong ho fihlela pheletsong. A leboha ka ho khetholoha mohlophisi le motšehetsi oa lipapali tsena ea sebelitseng ka matla a maholo ho bopa sechaba sa lebatooa la Qeme ka lipapali ho se etsa ngatana-nngoe. Litlholisano tsena li se li tli'o ba habeli ka selemo e leng nakong ea Paseka le Keresemese le Selemo se Secha.

Forgiven not a trap

We are how many times we break those we love but in our ability to try and fix the wound and the reciprocity of those we seek to make peace with. Whenever, we choose to forgive it must be a true reflection of how we feel and an understanding that we value our relationship more than the mistakes. We should never at any point find

ourselves forgiving for the sake of gaining advantage and using it to get our way around those who wrong us, start manipulating them any how we want. If that is a reason we forgive, that's not forgiveness but a strategy to control people using their mistakes as a weapon.

Teboho Matjeka
63574502/58911803



ELEGANCE COUTURE

www.moeletsiabasotho.co.ls

fabric that speaks



PHYSICAL ADDRESS: TRADORETTE BUILDING ROOM B22



FACEBOOK AS ELEGANCE COUTURE



WHATSAPP: +266 58524642



INSTAGRAM AS ELEGANCE COUTURE